



Evropska unija

Kreativno ljeto Info centra Evropske unije u Bosni i Hercegovini prilika je za istraživanje bh kulturne baštine i upoznavanje sa magičnim svijetom muzeja, fotografije, slikarstva i ostalih vidova kreativnosti u različitim sferama života. Od foto-takmičenja, kreativnih radionica, razgovora, turističkih obilazaka pa sve do otkrivanja novih vještina, organizovali smo niz događaja širom BiH s ciljem zajedničkog obilježavanja kreativnog ljeta.



I dok mladi istražuju svijet muzeja, građani Mostara, Trebinja, Cazina, Zenice, Sarajeva, Tuzle, Bijeljine i Banjaluke dobili su priliku da na jedan dan **postanu turisti u svom gradu** te da na ovaj nsvakidašnji način upoznaju svoje sredine i istraže njihova kulturna blaga.



KRE ATI VNO

Ljeto

Umjetnost,
kultura i
proslava
evropskih
zajedničkih
vrijednosti
široj BiH



Kako bi mladima približili sve prednosti amaterskog i profesionalnog bavljenja fotografijom, već drugu godinu zaredom organizovana je foto-škola u Banjaluci, Mostaru, Tuzli i Sarajevu koje su bile prilika za razvoj korisnih vještina, druženje i upoznavanje kulturne baštine. Za sve građane Bosne i Hercegovine je objavljen **poziv za foto-takmičenje** na temu promocije kulturne baštine, koji je otvoren do kraja augusta 2021. godine.



Ulaskom u **umjetničke galerije** otvaraju nam se nove mogućnosti za razumijevanje značaja kulture, umjetnosti i aktivizma za razvoj društva i spoznaju zajedničkih vrijednosti. U Umjetničkoj galeriji Bosne i Hercegovine pogledali smo prvu samostalnu izložbu Selme Selman, međunarodno priznate bh umjetnice, koja predstavlja jedinstven prikaz romske zajednice s ciljem promocije raznolikosti i inkluzije.



Umjetnost i kultura ne žive samo u muzejima, galerijama i ateljeima umjetnika, sveprisutni su, te iako obično nastaju u stvaralačkoj samoći, najsnažnije se ispoljavaju kroz zajednički doživljaj svih onih koji ih cijene. Ljetni festivali širom Bosne i Hercegovine nam omogućavaju da se izmaknemo iz svakodnevnice, zabavimo, družimo, naučimo nešto novo i uživamo u kreativnom stvaralaštvu.



Neizostavan dio Kreativnog ljeta su svakako **posjete muzejima** širom Bosne i Hercegovine i organizovanje edukativnih i zabavnih programa za stotine najmlađih kreativaca kako bi istražili bogate muzejske građe, naučili nove vještine i ispisali vlastite muzejske priče.



I na kraju, smiraj tražimo u našim **Tajnim baštama** u Brčkom, Banjaluci, Mostaru i Sarajevu gdje nas očekuje opuštenu atmosferu poznatih lokalnih art cafea. Radionice i druženja u Tajnim baštama omogućavaju i potpuni predah od aktivnog kreativnog ljeta.

